

摘藻堂四庫全書薈要

集部

欽定四庫全書薈要

集部

御製詩三集卷九十五

十六



詳校官原任編修臣徐立綱

欽定四庫全書薈要卷一萬三千五百二十四

集部

御製詩三集卷九十五

古今體一百十二首

辛卯三

恭奉

皇太后巡幸山東啓程之作

有序

悉新篇啓牘

八旬上壽之懽冒茆杓旋叶二月東巡之候維此岱封
壤接自燕南趙北以揚舲詎如江國途紆踰楚尾

吳頭而置頓用是仰承

懿旨升香詣

太乙靈祠因之俯順輿情効駕稽齊州茂典念表鎮
之名區宜葺頒緡不費官司嗤禪封之陋轍胥捐

祝

嘏惟勤方望

安輿福懋羣黎自徧蒙庥行館

和頤長吏當先從儉蹕路祇循汎埽禦垣均斥雕幾日

觀自千盤不必梯空懸寸約雲亭仍數宇何須闢
地構重楹既祛醯權之繁文還禁鄰壇之遠涉瞻
高山景行而增慕登

堂已隔九期守遺編崇則以持躬莫茆殷申一恫老
幼聲騰

萬歲呼山吉語卜延

禧助休巡紀三春觀海為言兼寫志重資詩券首訂郵

籤

圖養

高年罷遠巡慮違

懿旨欲誠申

乙酉南巡旋蹕江浙督撫等即以再屆迎鑒為請面諭以聖母慈壽漸高南中

道遠無庸汲汲預備及聞東巡在即復具摺力申前請仍有旨弗允

因知山左猶為近况悉

體和倍有神

闕里九年承祭濶岱宗頻陟

逮此次泰山凡三登矣

祝釐寅吉行

南苑駐稱便三宿欣當

御鳳輪

萬壽寺

古寺枕河干，駐輿傳曉餐。
本來戒身逸，誰與覓心安。
松竹自瀟灑，軒樓逮臘丹。
今冬

慶典近，規畫意誠歡。

駐蹕新衙門行宮作

行宮向平楚，駐蹕頗稱便。
獨坐斯幾暇，相違忽四年。
梅柎新景物，風月舊詩篇。
結習原思去，笑惟此未蠲。

古秀亭

額是今名亭古秀名雖今額亦多年庭中喬木不知古
老榦槎枒影漸遷

陶春室

逐處有書幃餘閒適靜依窓明因坐久題少以來稀盆
祇薰紅瘦庭遲漲綠肥甄陶春意始猶勝賞芳菲

澹思書屋

書屋芸編此重去聲披片時坐忽自成咄適纔馳射平原

者豈合於斯言澹思

裕性軒有感

憶昔此文軒獵餘故課溫那稱梨棗讓相勗禮詩敦淑
景今朝又流陰逝水翻偶然思話舊却復向誰言

暮景

暮景遠蒼然行宮憩息便坐來如向日因以憶流年鼎
引寒灰篆檠明繼照蓮春雲低四宇便望雨公田

春蒐

春蒐詎是蒐路便小清遊弗為去聲取多獸聊因試駿騶

鞍輕身覺重弓燥手非柔枚乘傳七發分明誚我不

自去秋木蘭迴蹕不乘馬持弓矢者數月茲路便小
獵覺人馬不相習未數射而力已倦宴安酖毒古人
所以為戒也

南紅門行宮作

頓移不卅里而近一就行宮一憩

慈便亦平原試小獵到猶桑野未中時非他綴景還如

畫無別怡情間

去聲賦詩臺迴

涼鷹張武帳奉

觀殪虎博

顏怡

題暢遠襟軒

古屋額題暢遠襟豈非墉宇豈山林靜觀畧悟其中趣
不在境由來在心

射虎行

虎圈養虎林丞守官家備物無不有飼以久徒費以多

殪之每試飲飛手南苑殪虎宜何處往例瞭鷹臺陳旅
虎鎗比肩立周陞於菟欲避無去所出柙莫問誰之過
曳尾那有猛風作檻中積威約致然馬遷語固非虛播
彎弧偶亦射斃之比孱兔耳何足竒木蘭昔乃真射耳
乙亥秋木蘭行圍虞人報有虎率虎鎗擊刺虎忽逸出
衆莫敢撓其日有厄魯特新附者來觀因馳安吉驄追
及之壹發而殪曾憶子布言今弗為
作射虎行紀其事

南紅門外

兩朝小獵駐行宮咫尺原如御苑同今日輕輿真就道

南紅門外送羣工

迤邐煙郊棗栗稠小民生計自為謀
地方大吏來迎駕先問潦鄉安妥不

沙岡蕪野敞而平亦有縱橫兔跡行
曾是少年馳獵處

南紅門外
亦有獵場

方春生長上聲罷虞旌

采育里

京南富庶村厥名采育里輕輿村外過
老幼路旁跪去歲此被潦謂當艱窘矣
審視無菜色衣暖面多喜急賑

及大賑加賑二月裏有司善推行想皆實澤被叶然未經見者正復不少耳

武清縣行館作

潞水上源春令淺御舟體大送浮難酌中因致為行館

信宿緣圖奉

大安

潞河向多沙淤春時水淺舟行尤滯地方大吏因於適中之武清縣桐柏村移天津楊惠莊行宮舊

材葺

治行館一區供

慈駕安憩次日登舟既於

高年頤養為宜而移建亦不致繁費遂聽之然究不

免稍需工作即以所省水營三處應銷官值賚之俾資其用

固不可同成不說於

斯頗覺憇斯寬有亭有閣則何必率為

去聲

慊然鮮為

歡

過武清縣

驅車過讎奴廣甸甚沮洳去歲夏行潦此地被災遽永

定既決堤

永定河北岸二工因去夏雨水驟漲堤口潰決武清村莊被淹成災較重

北運亦

漫淤

北運河西岸漫溢武清亦被淹浸因飭大吏善為撫卹急賑大賑視他處為優今春仍降旨加賑幸

所見民無菜色且二麥廣種可望有收意為稍慰

大田普無收曷以卒歲度是

用賑濟施更飭勤宣布今來細體察老幼歡夾路庶幾

免流離未見仍塵慮秋麥亦已茁禾黍云種佈設以此
地論懼雨宜晴煦雖然彼高田寧無望雨處

至寶稼營登安福艦作

避淺因教陸路遵就深御艇候河濱水營制斥過於昔

水營向用葦席為牆此次楊廷璋所備於席外幕以黃
布取民間衣被之需耗費無用未能善體省方觀民之
意因諭前途槩行撤去並恐山東聞風效尤亦命屏除
之又水營內添設板房數楹費而無當向於御舟辦事
召對甚為便適奚藉此贅設為且屢經傳諭勿稍踵事
增華亦不應復有此舉又未預為奏聞因降旨申飭

寶稼名欣祝自春木榻筠窓意以慣雲容波態景從新

萬民安實一人福敢傲一人勞萬民

即事

筐兒港迤北流沙數處淺春月水致艱大舟滯動轉故
用就深處避淺三程展人知淺之害未知淺之善是河
無牕壩流沙為之限設非此停蓄一往水存鮮通漕賴
乎茲一弊一利顯

北倉

北倉建津北

皇考恤民意

雍正二年十八座截留漕粟

皇考命於天津北建倉四座以備撥運賑借自後每

遇辦賑貧民得早需實惠誠萬年

至計也

留漕利轉輸遇灾便賑濟四十

餘年來黎元普受惠頗有持籌者細為

去聲

天庾計截此

彼或虛久長恐有弊傳曰百姓足君孰不足致寄語後之人慎勿動浮議

南倉

南倉空有名實無廩庾覩方輿稱明建以備海運貯海

運創已顏

史作伯顏今訂正

陳瑄繼其武

明總督

建倉尹兒灣史

典猶堪數冒險豈長策中道廢乖選即今南北漕歲歲輸天府行之誠在人微倖非所取

賜直隸總督楊廷璋

保釐久是頻授鉞矍鑠寧輸此據鞍方伯首稱繁且鉅

前人賢者繼為難

前督方觀承在直隸二十年於畿輔吏治民情實為幹練楊廷璋以數歷

老成代任受事濟美斯難

邊防雖不事驚禦

明代以京師迤北號稱巖疆設立三邊總制日

事脩築邊牆徵調戍防者殆無寧畧今時際重熙民安吏肅皆一總督靜鎮之地耳

河務要當期

又安

永定河舊有再司總河後以督臣調度較便因令兼司河務

昨歲畿南經夏潦

賑賙莫惜寸心殫

望海寺

寺建海河上初來自丁亥去歲再臨茲轉眼復一載海
去此尚遙溯河得望海大士泯分別如是觀自在斯行
為去聲巡齊匪為津風採便道成小憩遂命維舟解柳墅
天津行宮名若有溪分付迴鑾待

策馬過天津府城

御舸艤河濱花宮禮法輪鳴鞭循陸路露冕閱城闔警

蹕斥七萃就瞻任萬民所慙有何德到處篤尊親

芥園閱減水壩工

昨歲夏霖行章武灾實甚不惟害禾稼室廬敗堪懍異
漲已屯城吾民那安枕賑恤救一時長策固應審方伯

計䟽消其議不可寢具圖誌工處

去夏天津雨水過多
南運河漲溢浸及田

廬楊廷璋今議於河南岸建減水石壩一座以備宣洩
盛漲並穿引河八千餘丈接濬舊渠導歸海河又築隄
二千九百餘丈以衛城繪圖列說俟取進止
茲親臨相視覺猶近城命詳勘俟迴鑒再定先事豫防

諭歷覽期合宜詳勘尚懃恁代賑利以工憂民善體朕

靜海道中襍詠

昨日溯游今溯回

自天津以北為順流天津以南為逆流

北南通漕意佳

哉黃衣莫怨行舟慢

古稱挈御舟者為黃頭今指日順則黃衣無袖以代黃帽云

流由此迴

村居比櫛頗寧盈柳口由來古渡名不見青青楊柳色

蔣一葵長安客話云楊柳青近丁字沽四面多植楊柳今其地既無柳且丁字沽在天津城北楊柳青在天津縣西三十里相距甚遠柳之有無或今昔異形而沽則歷久未改紀載之不足憑往往如此

阿誰折

贈寄遙情

當城沙磧遞經過宋畏遼金防涉河

見方輿紀要

似此屯兵

嚴守禦爾時百姓竟如何

遇君封國兩無涉西陝東齊詎此哉誌乘不知何所據

太公乃有釣魚臺

迤邐三窪緣蓄水

中堂窪跨天津靜海滄州界又北堂窪屬天津南堂窪屬滄州三窪周數

百里即宋史三堂濼舊為黃河所注今河改而濼亦塞惟資居民蒲葦之利并不能容瀦積潦矣

及逢

霖雨潦原行救民自古乏長策盡力補偏要以誠

行程原是指東南舟首時還西北探河勢不由人意定

制宜因地有名談

岸旁拽緯走河兵船上鳴鑼催緯行省已力因彼成事
萬般都可悉人情

銀牌齋賜老年翁夾岸歡呼拜下風禁止無端相攘攷
所至迎鑒之耆年翁嫗俱賜以養老銀牌今日岸
旁間有奪老人之賜者則非禮矣因亦飭禁之
教亦寓其中
施恩

山東巡撫富明安復報得雨

早稱霑五寸

正月廿五日奏至

復報尺將盈

二月初七日富明安奏省城及近省

各屬復得甘霖密灑入土尤
深繼以風日晴和麥苗暢茂

已慶麥年潤繼欣風日晴

近遙均告被禾黍普堪耕稠疊蒙

天澤前途喜氣迎

月

仲月逮上弦川夕湊澄景舟艤漾漾間人疑廣寒境閃
波斷却連晶光峭猶冷御園豈不泛無過湖山等片時
即歸棹清夜那伴永淦淦宛相親朗朗斯益靜眠遲亦
何妨恰合宵衣省

雁

未見高飛太液池却逢斜寫碧天涯愛成人字曾何謂
每曰傳書詎有之沙塞往來惟性適水鄉點綴得卿宜
嗷啓設擬周詩詠澤鹵灾餘特切思

賜致仕大學士陳宏謀

中外勤宣歷久頻遂教黃閣預絲綸老成允冀恒贊政
疾病不期近迫身豈弗惜離留未可最憐言去戀猶真
粵西天末相望遠祝爾平安歸里人

命免天津府及順天府所屬積欠詩以誌事

休助古有云懷保令所勉昨歲此地灾賑期均徧叶

巡方茲目覩幸逭溝壑轉然未經見多加惠詎宜緩兩

府界壤連受沴苦弗淺三州薊霸滄及八縣寶坻寧河永清天津青靜

海鹽山舊欠概與免以上各州縣因灾借欠穀五萬七千餘石又天津一縣常借未完穀

三千六百餘石概與蠲除俾免追呼之擾而經由之東安交河景州東光節年因灾借欠穀石亦並蠲之用均

愷武清獨無欠豈不向隅歎叶蠲供十之五武清去歲被灾最重

澤而向無積欠未得一體沾恩因特免本年地丁十用以分之五視經過免賦十三之常例加厚恤且旌焉

旌良善麥收倘得豐庶少濟屯蹇是惟賴

天恩非吾力能辦叶

舟過峭帆亭戲詠

虛亭若翼枕河濱舊蹟蘆臺紀創新句純陸游真作者

陸游句小孤山畔峭帆風

詩題張斛定何人

亭有張斛題五言詩一律見於元好問中州集

止載為金朝人亦不詳其實

那稱考古志書博祇愛覲光民意親却

是黃頭善持重收帆催緯弗名循

閱興濟減水閘議改為壩命侍郎表曰修至其地

與總督楊廷璋藩司周元理會勘集議詩以示
意

青縣興濟間緣減運河水中流行御艦高出見閘底去
歲夏霖盛率已洩由此其奈至津城猶餘二百里更無

殺聲漲處潦行乃所以因之圖再減芥園請示指

楊廷璋因

去夏運河漲溢浸及田廬而自興濟以下二百餘里更
無減水之處議於天津城西之芥園左近建減水壩一
以洩運河盛漲昨親莅相視以其地逼近津城命於
上游另擇善地施工俟回鑒再行閱定曾紀以詩

意

欲稍移南廻蹕當細揣而此底實高閘壩亦壅蔽
叶況

茲足浮送無慮轉漕滯叶擬易閘為壩更低尺以幾減
之以其漸緩急庶可恃然未能自信博議命詳視

策馬過滄州城

艤舟策馬過長蘆為

去聲

便民瞻近蹕途轡後鞭前任隨

走老扶幼挈盡歡呼似忘去歲逢灾彼更座中宵憫瘼
吾庶矣富之猶未得教之一字易言乎

過朗吟樓因題句

何代經過

平聲

回道入千鍾滄酒醉河濱

滄州志

有一道士自號彭蠡主

人索滄酒千餘斗飲竟乘鶴而去後人構樓肖吕仙像以奉之名曰朗吟蓋取吕詩朗吟飛過洞庭湖意也

洞庭渤海豈殊地古往今來不異春却笑重儷此奚必欲求一實亦無因幾行雁字飛鳴過鶴駕然歟向孰詢

閱捷地減水閘

既云減水閘非宜興濟將仍例視之

昨閱興濟閘以減水宜改用壩並宜

落低數尺俾河流隨時宣洩捷地亦當一律改建庶兩壩暢消下游不致受漲潦之患然亦未能自信為必屬可行因命裘曰修至其地會楊廷璋周元理詳勘集議以聞候回鑒再為閱定審勘更教同衆

議諸凡毋必詎惟斯

衛河漲欲減其盈歧口引流入渤瀛此地由來稱便捷

豈因避字浪更

平聲

名

是處方輿續紀稱舊名絕堤後易今名夫絕堤者絕堤而出義蓋有

取即云捷地亦因其引流便捷入海迅速耳豈謂避字而更之乎然兩名皆不知始自何時亦無可考矣

捷地相連興濟閘總圖一再減洪波猶然去歲潦章武

蒿目民艱竟若何

往返無過數武移亭軒備憩信何為

河岸艤舟閱工至為近便地方大吏

乃於岸旁構備亭軒糜費無益實所不取因弗憩而過

竟當弗顧登舟去俾悉吾

心不在茲

侍郎曹秀先遣祭周尹吉甫墓回召見請題詩以

表之因成是什

表閭旌淑重時巡古墓遣官例致禋為

去聲

請七言用彰

德遐思千載率馳神剛柔還以山甫勗孝友惟應張仲

倫虛說長年尚餘樹

樂史寰宇記載墓有樹二株柯條鬱茂不覺其老俗呼長年樹詢之

曹秀先今無有矣

清風永世屬斯人

化城寺得四絕句

龍堂雁閣倚河濱欲到微微梵唄聞

地方官集僧衆於此建壇祝釐

肅謁既因祝

介祉虔瞻魚得仰

奎文

化城寺

皇祖

所賜扁額今懸廟

花宮波影亘長隄檀施

去聲

當年事莫稽

康熙

三十八年

皇祖南巡

經臨此寺適寺僧龍望募脩寺閣蒙以成善果見於寺中碑記亦無由考其真偽也

賜金

便是化

城真現此亦惟楊葉止兒啼

南巡返蹕率遵陸

四次南巡

至直隸境皆由景州陸程迴蹕從未經此

艤岸曾無

禮法筵碑撫戊辰方伯記

寺中有戊辰年直隸總督那蘇圖重脩碑記是歲因孝

賢皇后之事曾
經此舟過未上
不堪往事憶酸然

三間樸室近僧庵云是

仁皇此駐驂
拓置亭軒列花石

寺有皇祖憩宇三楹脩葺供備足矣乃復

增綴亭軒花石徒費物力而僅供一過無謂甚矣

難推未曉益增慙

麥色

麥色南來日日添
平鋪夾岸入吟拈
青黃待接五月熟
老幼偏迎萬姓瞻
蹂躪明看真可惜
禁訶又礙槩從嚴

岸旁萬衆迎鑒隨舟趨進多有踐及麥苗者雖止之弗顧然黎庶愛戴之誠又難嚴斥也

民情農計

均吾要衡量誠難兩得兼

暖

地勢北而南春月益以仲均為漸就暖況值晴暘烘水
風渾不寒淑景宛堪弄柳隄綠向新杏埭紅欲重細毳
率已換豐毛都弗用日日鷁首坐為便覲光衆舉趾斯
時哉莫誤勤耕種

行舟四詠

行舟之具多矣而櫓柁帆緯四者為最要今挈御

舟者惟恃緯而三者均弗資雖持重之意也然藉人力以省已勞亦有可笑者焉作四詠以識其概而人之情偽亦率可見云

櫓

行舟有賴櫓催梢棹且弗施櫓更拋

釋名在旁曰櫓櫓

舟行今有催梢櫓較在旁者更疾又俗云一櫓當三棹

那得微吟和嘔啞

用蘇軾句意

旁觀袖手古曾嘲

舵

周旋規中

去聲

折旋矩操縱由來在舵工首領持篙都占

去聲却

御舟前立首領官持篙左右正船舵工不得施其技及至過灣轉難行處仍賴舵正之

那論

元氣與微風

仲長統詩云元氣為舟微風為舵

帆

川塗宛轉風作息總是收帆不肯張

挈舟者總以張帆為懼不云風弗順

即云路弗直夫相風駛颿亦在人為耳然其持重之意則可取亦無容深恠焉

安得順風且直

路平平俾爾走中央

緯

前艇鳴鑼後艇應

御舟鳴鑼所以催緯行也

鈞鈞催緯速前行河兵

凡拽緯者皆河兵事畢賚之

肩獎足還種黃帽安然到水營

入山東境

一水溯洄不易船送迎兩地畫疆連所欣親愛來老幼
略厭繁華事管絃山左輿情五年隔江南衆望片時牽
省耕展義吾惟切行有絲綸沛惠鮮

花朝作歌

燕北花朝花鮮開江南花朝花太盛太盛乃為謝之機

鮮開亦覺乖節令今朝舟行入齊地南北之間執中正

女夷真復有神權斟酌穠纖賦品命

花經凡花皆有品命如杏四品六命

海棠六品四命之類

沿隄綠柳舞偏柔繞塢紅桃裝始靚香風微

拂水面來畫意時向船窓映船窓水面一憑觀恰喜韶

光在明鏡調御丈夫涅槃日

出般涅槃經

是為常樂是我淨

見涅槃經聖人四倒

閱哨馬營減水壩

詰曉輕輿遵大隄隄工要處欲勤稽壩開哨馬洩漲夏

川導鈎盤防勃溪不壅以宣功異北

河東岸為滾壩三十丈宣洩甚暢視

直隸之興濟捷地置閘節蓄者殊為妥善當春流淺少時壩面出水尚三尺餘一遇夏秋漲潦遂致滿漕雖一再洩之而猶時有泛溢之患

河防疏宣長策豈易言哉

由河而海受從西即今出

水計數尺疏濬良方望若迷

德州行宮三疊舊作韻

運河舫命先南上

駐德州即由陸程幸泰山詣曲阜因命移所用舟船溯運河而南預議濟

寧回臺時則由彼登舟循水程徑抵津路

陸路由茲將啓程

安輦吉行春日暖樸齋

豫養早年成
窓含靜影
庭柯直座噴清芬
盆卉榮大小
來迎守土吏
傳宣次第問民情

六依

皇祖德州即事詩韻

朱雀潮流上青齊
入境初行宮駐德
棣幾暇便觀書
宮墻心久儀芹帛
躬申肅入疆
驗民風所幸多
安燠

題行宮舊寫梅花詩扇三疊前韻

簾頭展以四

自丁丑初寫梅
枝逮茲凡四

韻脚疊斯三盈手香風拂

端宜置硯南

駐蹕德州示山東大小吏再疊舊作韻

德水行宮復憩居賦詩言志尚聽予小廡大法勉敦實
守潔政勤戒涉虛中稔應籌餘一矣偏灾莫忘去聲向隅

如東省去歲各屬多報有收惟長清等二十四州縣瀕
河窪地六月間雨水稍多低田間有被淹之處雖不
致成灾普賑亦勅查勘入疆所重惟民事舉要其他可
分別撫恤或酌借麥本

例諸

命賞給昨歲山東被灾四縣籽種牛具銀詩以誌

事

齊東昨歲縱偏灾豈乏窮民望幸來春借雖然成例與

秋償依舊受追催

齊河禹城茌平莘縣去年被水較重富明安請按畝借給籽種牛具銀各

一錢第借項應償民間猶有追呼之事因降旨如數賞與免其徵還俾耕作有資窮簷得霑實惠

普教

賜值資耕作俾得及時闢草萊更或未經聞見者疇咨

施澤以斯推

繁露臺

德州城南門樓曰廣川樓亦曰繁露臺即漢董仲

舒故里東巡經此詩以詠之

百廿三篇著異聞城南因是有臺云天人三策真平正

繁露雖佳屬費文

繁露中如清明竹林祈晴請雨之類
豈如三策平正為萬世帝王之法哉

降旨免山東各屬節年因灾借欠常平穀及東平

灾緩丁賦詩以紀事

入疆施惠重巡方借欠因灾愍益傷倉穀既陳應與逭

各屬自乾隆二十八年至三十四年未完因灾
出借常平穀四萬九千二百餘石概予豁免

丁銀雖

少免教償

乾隆三十四年東平州及所未完灾
緩地丁銀四千八百餘兩亦並蠲之

即看愛

戴羣情切寧忍飢寒一介忘咨爾牧民大小吏施行詳
妥尚其覆

題王炳畫水村春色卷用舊題句韻

古寺僧房悟色空那論雲淡與煙濛拈吟却值行齋暇
展看因攜束篋中為繾吳江千里隔況臨德水一舟通
偶然祇可飛遙興正務巡方在振窮

曉發德州道中即景襍詠

今日行程八十里恐增建置略從遙

自德州至晏子祠
舊行館設以行五

六十里計則途間當置兩行館今記云凡事豫則立宜
於適中祇建一行館所以省費也

是輕輿發詰朝

東方漸見昀昕明
倏忽曦輪樹杪橫
迴望德州未廿里
果然駒影迅人行

南來越見麥田多
芄露芊煙綠穎姿
僕從雖嚴禁蹂躪
其如民衆轉難訶

巡蹕所至嚴禁僕從踐踏麥禾而迎鑒萬姓趨擁就瞻雖麥苗在地蹴之

弗顧却之亦弗止也

綠楊紅杏近清明
是日為清明前二日
野店芳衢畫裏行
塵土不

妨隨踏起寢難得者是民情

駐平原行館即事

繹幕由來張幕營

南巡四次經此皆駐行營地方大吏以聖母高平宜臻安豫請

間程構樸宇數楹以適寧憩因聽之

居然行館看新成且欣樸素無飾

目特便

憩留有愜情到以午前非甚遠

路程稱是日八十一里因恐聖母乘輦微

勞預傳次日停蹕以便既到營尚在午前殊無八十

里也息養駐將日繼慢兼程在

德州亦停蹕一日

甌香研淨幾餘暇即事拈吟靜賞并

再降旨免濟南等六府屬新舊借欠麥本銀並成

是什

施恩一再不妨周尚或遺乎仔細求六府咨詢欠均有

歷年久近豁從優

昨已降旨將齊河禹城茌平莘縣上年被水較重之區按畝賞借籽種牛

具銀各一錢免其徵還以裕民力茲查濟南武定二府屬乾隆三十三年未完麥本銀五十八百餘兩又濟南武定兗州曹州東昌青州六府屬去歲因灾借欠麥本銀九萬八千餘兩全予蠲免俾惠澤普周閭閻

生計益資饒裕

寬其逋項何憂債勉爾春耕以待秋夾路青青

茁茁好顯希麥浪拍歸舟

題醇和堂

既有堂斯宜有名醇和欲以驗民情民情仍自吾心始
保赤惟殷一念誠

錢陳羣奏進所書登岱祝

釐頌及御製詩文并賡韻詩冊至因成是什書以賜之
平原此日巡方駐秀水多時奏牘欽萬有言餘親手寫
三千里外故人心可知食履益康健具見

頌揚篤悃忱冬月定當重晤面

陳羣

於今冬來京恭祝
聖母萬壽當與之

覲面談詩
以慰眷懷
健談興自勃知音

於平原作

趙地雖稱廣幅負平原已在極東邊封君仍用國中事
名正於斯未信然

辛未春過平原曾為平原行詠趙勝事茲考史記平
原君傳勝封於東武城其地為今東昌府之武城縣
東距平原雖不及三十里然漢書地理志平原郡止
云高帝置屬青州而馬端臨文獻通考於德州注云

戰國屬齊平原乃其所領則平原是齊地而非趙邑
況左傳稱齊之封履西至于河大河在平原之西趙
之東偏雖廣安得越河而兼有齊地乎復考春申君
傳張守節正義云四君封邑檢皆不獲惟平原有地
又非趙境是平原乃當日封號而非實有其邑猶廉頗
之為信平樂乘之為武襄也且勝為趙相治國事東
武城特其食邑亦如田文之封薛然孟嘗罷相嘗至
於薛若勝則始終未出趙都本傳具在不聞有居武

城事何況平原志乘於平原直指為勝封邑傳會失
考不足為據則前詩謂之假借命篇猶可若舉以屬
趙將以辭害意懼夫泥而滋惑也因復經平原申其
義而為之辨

停蹕

停蹕臨行館春風二月天

高年娛息養佳景挹清妍墻外綠楊弱階前紅蘼鮮居

閒當勅政召對細掄賢

山東文武負弁有應送部引見者經河撫諸臣奏聞即日命於

行館籤
名列對

題姚綬江南春雨卷

携來畫笈及書函
清供秘抽與靜探
看到竹溪春雨意
無端飛興大江南

齊河道中作

杏村柳墅望相連
那有茅檐說禁煙

是日清明前一
日寒食節也

古

制艱行今久矣
因時為要詎斯然

兩行塍疊蹕塗寬
接駕踵連來廢官
我固惜材亦察政

蹟存部冊更詳看

沿途接駕廢員絡驛而來其中固無可以棄瑕復用者然尚須付部核

其原案事實再為分別甄錄於愛惜人才之中仍寓釐察官方之意

遍野青青秋麥萌扶犁亦見有新耕斯吾第一關心處
豈是尋花問柳行

齊河縣行館疊乙酉詩韻

舊經行館此臨居夾路民瞻擁翠輿一食一衣都座彼

曰教

平聲

曰養總慙予到來尋徑宛相識餘暇拈吟便以

書昔韻重賡六年閱分陰怪底惜居諸

題晏子祠

祝阿行館按程留晏子祠邊往事搜祇有空言匹管相
並無實政贊齊侯一匡殊譽宣尼魯為願偏輕孟氏鄒
合傳龍門兼論仲大違孔子意尊周

晏嬰政蹟遠不如管仲而司馬遷為之作合傳蓋羨
嬰之救石父而已陷罪無人救也向題晏子祠曾論
之茲不復論獨遷謂管仲相桓公不勉之至王乃稱
霸以此孔子小之而張守節正義亦以是為言審如

是則是孔子願齊桓之稱王將置周王於何地豈作
春秋尊周大一統之義乎管仲器小朱注最得其正
然未斥司馬遷之非故並及之

清明

清明先

去聲

三月

清明為三月節立春
早故二月即清明

節氣早天宗正是

農興候端宜馬上逢綠深麥苗蔚黃入菜花濃北望偏
多感山雲倩爾封

五依

皇祖南巡過濟南韻

煙樹蒼茫隱郡城，非關不入路嫌生。
六旬偏切齊眉恨，卅里那須除道平。
稔後幸無溝壑轉，望中欣率室家盈。
春風倩爾知人意，掃盡胸間結習橫。

長清縣行館作

新舊間去聲行館

撫臣富明安以

皇太后每日乘輦駐鑾後息養為宜，因於舊有行館。

外間程添構樸宇數楹以供安憩。

憩圖

慈體娛費多仍塵彼撲尚實欣吾詎祇寬容膝雅宜吟
撚鬚明朝玉符宿清夢到仙都

夕

農忌清明風風幸停卓午或不為厲階卜度意猶苦何地
非吾民何民弗資稼叶傍晚日輪輻彌望空塵土土澄
夕蒼然春雲佈四字致我重生希崇朝庶幾雨

題姚文瀚倣清明上河圖用舊題沈德潛所進張

擇端清明易簡圖韻

不為易簡為難繁清明圖創張擇端舜舉標名曰易簡

義經獨闢精微關藝林作者不勝數

上聲

誰能直造閭吳

班寸馬豆人各曲肖其間仍有城市攢斯更閭吳所未

逮竒蹟迄今六百年爾時強鄰接疆域燕趙一帶甘虛

擲曾無宵旰謀莫安還求培克肆噬螫君臣恣樂賞韶

春可憐華袞被鬼蜮誰知鐵騎渡河過艮嶽崔巍沒荆

棘或現或隱互流傳丁甲呵護終難匿詩人奏進石渠

內展觀結構真純粹因教畫苑畢倣摹如從花譜掄姚

魏攜來行笥便披閱二月東巡近瞻泰比張縮小盆見

能

此卷較擇端原本尺幅縱橫倍減而臨摹畢肖人物益小尤見精能

即景佳節逢清明

却惜歸愚此莫悉

歸愚德潛號也

獨翦吟檠敲興逸

憩崗山傳餐因而有作

行久平原此入山停輿恰趁一時間何來幾架山房見

不為

去聲

怡顏為忺顏

崗山原屬昔常過絕頂仙宮棲爰我

上舊有碧霞元君廟

瞬息六

年何所異綠叢雲隱絳垣多

一間亭與兩間樓咫尺峯容望裏收樸斲亦知無大費
惜他終屬費人脩

片刻傳餐復就途那因佳處久耽娛何當此意未喻衆
猶見爾為每慚去聲吾

饅榆錢餅歌

清明至矣榆生錢孔方雖異堪佐餐楚辭粃粃所未見
救飢而有義可憐大官六膳無不備淪水蒸糖粃餅餌
想彼草根樹皮為食人安知沁齒芳甘如此事偶然舉

著緣嘗新弗欣以愧言出衷腸真一飯不忘君乃臣之道吾謂為君者還當一飯不忘民

靈巖寺西入石路四用唐劉長卿韻二首

忽吟遺集句難覓斷碑苔俊逸昔五字巡遊今四回齊
郊突平起岱嶽秀分來山寺東猶遠石蹊西向開春蕪
自為吐古樹是誰栽放眼青天外芥舟斯膠去聲杯

此路行原慣前蹤想印苔泉源碧波落樹杪白雲回法

侶故居在詩人訪友來

長卿詩因過法崇禪師故居作

老兵呼宋得邑

尉譖吳

仲儒

開運否天難問才多禍自裁和惟慚覆甕玷

那擬珍杯

靈巖寺三疊前韻

難窮匣玉藏符玉

即方山事又名玉符山

且置南靈

謂吳中靈巖

禮北

靈千載松仍籠古殿一溪水自繞巖亭閒雲不繫心同

淡法乳無根性與渟山鳥山花解傳偈何妨色色復形

形

靈巖寺禮佛作

紳衿處處設經壇祝

嘏同欽是所歡絞縛黃棚稱茂慶便宜白社得施檀泉

因卓錫春猶噴松為

去聲

取經東向攢

二景皆在寺中

安輦奉行益

康健瑞徵彤史得希看

駐蹕方山三疊前韻

山兩巖雙似契符

上元有方山吳縣有靈巖

不妨隨處供

去聲

巡娛助

休一例皆塵念疆界何須定執區行館無過信宿耳層

嵐有待詠歌乎詠歌亦祇消幾暇察吏安民是本圖

夕

夙喜宿山中山中氣真靜涼生松下風曦隱谷上嶺萬
樹忽蒼蒼一水猶洞洞洞洞望復失夜齋書檠炳芸編
有至趣何謂無人領

曉

山鳥噪瓦簷却識山將曉寧藉自鳴鐘偷天炫人巧吾
已覺眠晏內侍謂起早停蹕復無事何不睡以飽去去

非汝知吾有吾之道

登玉符窳高處

玉符高處未恒登茲以停蹕餘幾暇肩輿迤邐梯青雲
十步一憩依松架戢翬掩蓋莫得辨亦有畝平厓屨下
可公牀與白雲洞時見微泉滴石罅牝穴一線弗易入
細磴行蹤光却研其中或住地行仙擬欲問之轉復罷
更進乃造功德頂石鑿相好非虛借把筆拈吟那可得
心凝形釋泯萬化是宜原付可公輩與木石居此結夏

返吾行館勤吾政道不同焉不相假

四題靈巖八景

巢鶴巖

胎仙來去本無心何繫開山便駐林
以此因緣為瑞相釋迦迦葉笑難禁

甘露亭

四柱虛亭俯石泉法王甘露法如然
所欣恒在山中住不向人間詡瑞編

卓錫泉

清蹕方山復此過
高僧往事憶如何
尋常消得石勒拜
卓錫於茲又作麼

摩頂松

是栢謂松松攘栢謂松非栢栢成松是非稱謂誠何定
一笑真教辨莫從

摩頂松本栢也而皆謂之松向曾圖其形並放歌紀
事

鐵袈裟

祖衣作鐵底須驚七字因之為定評當是鑄鐘昔未就
袈裟略似故傳名

袈裟以形似得名撫視之鐵模宛然蓋鑄鐘而未成
者或以為石誤也

白雲洞

絕頂峒崕趣轉奇忽然牝洞穴巖披春雲每自封中出
訝是畫家留白為

雨花巖

未見飛空天女散落來巖際盡天花似羸梵帙相問答
豈默然時便不差

愛山樓

行館依山更有樓偶然拾級暢吟眸峯姿嶺態尋常好
不及春耕意所留

御製詩三集卷九十五

欽定四庫全書薈要卷一萬三千五百二十五

集部

御製詩三集卷九十六

古今體一百二十六首

辛卯四

至泰安白鶴泉行館作

出谷緣山蹕路延花村柳墅望相連觀民緩邁青郊道

行館新成白鶴泉

在岱宗坊之北

祇以娛

慈用允爾設云適已實慙焉

八旬聖母扶瞻嶽更祝如斯億萬年

體元堂

五嶽岱宗尊東方生物原虞巡秩仲月魯頌壽堂萱是
日臨行館體元額樸軒祝

釐申篤悃施惠沛殊恩展義無非事餘閒有詠言長人
法乾德即境勉心存

謁

岱廟六韻

億禩

神庥永百年廟貌新

歲庚寅辛卯國家疊逢
預期遣內務府大臣劉浩赴泰山

慶典

繕葺各工至是落成

神廟倍增輪奐

佐

天生萬物護國福烝民慶落卜良日展誠恰仲春扶桑
石突兀炎漢柏輪囷肅拜經九載

慈寧值八旬抒忱顙有籲

介壽願重申

擬子建飛龍篇

巍巍泰山兗州鎮崇非惟兗州五嶽是宗靈氣所宅生

物所始柴望肇禋宜必自此陳思芝童太白鶴仙胥別
意託我何有焉七十二君登封降禪惜乎巖石磨泐以
徧至哉重華二月東巡五禮五器無非為民

題漢柏

漢柏曾經手自圖

在壬午年今泐石以亭覆之

鬱葱映照翠陰扶殿

旁亭裏相望

平聲

近名實主賓誰是乎

環詠亭

小屋三間嶽殿西亭歟非也昔難稽

是處稱亭而實屋亦不知始自何年

四壁皆
嵌詩板

古今歲月一時閱長短詩篇四壁題磬折予心

孰李杜

壁間殊少佳作

翹瞻漢柏是夷齊忘言更復言奚必欲

笑莊周筌與蹄

賜山東巡撫富明安

承宣久佐方伯治安撫遂教幕府開能繼前規重本務

大學士阿爾泰前撫山東時董飭所屬專務實政於農桑水利諸事區畫周詳治行稱最崔應階繼之亦守而弗失曾諭富明安當一稟成規而更勤於察吏勤求諸吏舉清裁繁滋戶口誠

庶矣宜異古今其遠哉齊魯大邦小無數一人可具穎

陽材

登泰山即事言志

岱廟及

岱頂萬年鎮兗青生方惟物育佑國沛

神靈歷久需修葺落成薦潔馨仲春迺巡狩八表以

慈寧那舉升中禮

多有引升中語為幸泰山數典者不知升中乃燔柴告天即為封禪

之說所自昉向嘗斥為不經是以前者兩陟岱頂及此次登嶽祝釐不過辨香展敬並無所謂升中之

事其誤不可不正緣殷祝

大齡奉欽

瞻寶殿弗敢掖

安輶

泰山巍峻登陟為勞
臻安適祇奉

瞻禮岱廟未敢掖

起居宜
輦登山

詰旦親登陟攄誠謁閑庭降原回望處

天近老人星

登泰山七依

皇祖詩韻

豫遊本擬當斂跡

乙酉南巡回鑾以
日增曾諭各督撫毋庸

皇太后聖壽
復請扶

革葢遠昨春撫臣富明安至天津迎覲因新葺泰山祠廟葢工適逢慈闈八旬大慶奏請臚歡祝

釐且稱往返俱由水程登陸不過數日仍可奉養頤安誠懇至再因為轉奏聖母蒙諭欲親詣

岱廟虔致辦香祈俞所請因頤旨於今春復舉東巡輪奐新歌重叩頭

志養亦惟體

虔敬躬巡豈是動輕浮願言

遐算如高嶽詎曰登封俯遠州萬級天門攀不易行宮
清潔足

安留

地方吏於岱麓添葺行館先期諭令一切務從儉約潔繕數楹足供恩息毋綴亭臺水石及供頓鋪

張致耗
物力

巖象崇崇忽對面

奎文朗朗正當頭

巖頂有書普照乾坤

皇祖御四大字

齊煙九點遙胥

括匹練三吳近若浮錫羨

八旬開寶袞耀靈萬古奠神州再來此後知何日欲去

不期步為留

去聲

五大夫松

五松列峙泰山道祖龍經錫大夫號叶後世因以稱秦

松其實羸秦時已老疾風暴雨何時無何時鬱苑何時

枯曩日司工人補植

戊辰過此時不知何人補種故有何人補署大夫名之句後庶知為

雍正年間內務府總管丁
皂保監修泰山工時所種

茲看磊砢龍鱗粗異哉名實

誰賓主實以名存今即古何不謂之舜五臣肆覲於斯

同律度

叶

無字碑

本意欲焚書立碑故無字雖云以身先大是不經事

登岱襍詠

合雲亭

石是雲根雲石衣雲容石態蔚相依游心設擬承禎語
合漠由來吾所希

蓮花洞

乳竇溶溶迸石泉細淙洞口注成川漫言未是蓮花候
四面峯形豈不然

壺天閣

仰觀極頂尚隆崇俯視居然造半空放眼碧天以外看

孰非遊此一壺中

桃花峪

春到桃花無處無
峪名蓋學武陵乎
五株不見蒼松者
半點何曾受污塗

迴馬嶺

崇椒越上越欽寄傳說
真宗迴馬斯若論天書來致奠
到斯迴馬已為遲

飛來石

無翼飛來自何處
凌空欲墜倚峻嶒
詩書齊魯斯為鎮
梵志借譽似不應

朝陽洞

窮劣於茲得畝平
崖坳北洞受曦明
三間精舍頗清潔
稍憩旋教進步行

對松山

古幹今枝鬱相

入聲

扶正看側眄
總堪圖箇中
儘有羲皇

種當得兒孫五大夫

白雲洞

氤氲觸石氣成蒸此意當知別有應一片常教封洞口
金泥玉檢未容登

丈人峯

仙人對博寄幽託豈實凌虛上玉京立字是誰稱博古
居然移置蜀山名

日觀峯

居高攬遠理無疑峯頂常先見曉曦設使海邊立沮洳

雖卑應更早於斯

登封臺

雲衢盤陟造天門
果是巖巖氣象尊
逮此崇臺仰三度
登封降禪未曾言

賦得泰山不讓土壤

得容字八韻

分野奎婁次降祥
齊魯封三公崇視秩
五嶽卓為宗徒
仰巖巖象誰知蕩蕩容廓哉
德乃大受也衆胥供聚壤
斯成鉅接天孰比蹤
有臣如一介據地壓千峯
杜句吟

真獨李書譬豈庸何當膚寸合時雨利吾農

題王時敏晴嵐煙翠長卷

王氏山水多超羣豈於維也得脈親宋元明已難數

上聲

論本朝作者三其人輩與時敏原初掄是卷乃出時敏

真平生多作小幀存似此長卷誠希珍

二語出卷後
王澐跋語

崇

巒大壑何紛紜山村水郭雞犬聞連林疊巘曲抱原蕩

以雲氣蓊氤漁者樵者耕讀勤宅茲天宇胥天男

叶

濛濛濕潤不可捫迴然去情而得神七十七叟遊戲皴

見卷中
自識

精力弗減年少洵晴嵐煙翠王澍云書以九府
園法文我時二月方東巡岱宗近瞻五嶽尊以畫質境
難區分作為長歌紀絕倫何當以是億萬民置斯樂土
咸飽溫澹華去侈都還淳

曉發泰安府二首

曉發泰安府祝

釐事告成將攄瞻

聖悃惟是

豫慈誠車馬遵程便泉林紆路行

自此由泉林至曲阜雖紆一頓然彼處舊

有行館足供輦停憩因便道莅之

慈本心非若此殊覺歉予情

曉發泰安府照黎擁道周共尊吾敢傲同愛彼非謀益

切阜民念惟於察吏求迴看雲漢表玉色幾峯留

昨晚微雪

落地即融而高峯則已積素

漢明堂遺址

廢蹟遺蹤辨有無誰云公玉帶曾圖設非麟趾關雎意
便建明堂費亦徒

羊祜城

伐吳功弗就垂成薦預終能江左平為谷為陵碑總失
至今人尚識羊城

四賢祠行館疊舊作韻

了知行館當東道識得迎門柳幾行
復石介氣求永

聲應孔道胡瑗異轍並升堂詎圖玩景軒還榭所切觀

民耕與桑企古多遺目今者默思緣此益徊徨

過汶河疊壬午舊作韻

萊蕪不是廣陵蕪汶水源長帶大都禮嶽

壽康綿有祝渡河今昔景無殊長民范冉貧何礙守學

羸公術不紆曾至北南分水處

乙酉南巡迴鑾舟經南旺閘視汶水分流實因

天地自然之勢所云白衣老父不過能識其勢而衆人不識耳曾有詩紀事

原因地勢豈人

模

麥苗

麥苗速人行一日長

上聲

一日青青吐色佳芄芃亞隴密

量欲盈五寸高下茂同律惟是塵土蒙垂頭若有失設

被時雨露飽收或可必自我啓蹕來一月已將卒尚未
逢甘膏望之致無術

中水行宮作

樸宇新成憩

懿躬

此處亦地方官新建者駐

輿即可號行宮邵鄉魯郡無殊水

屬泗水縣

汶北泗南北據

中麥穎菜花驗農候老扶幼挈覘

去聲

民風鄰疆頻有迎

鑾者召見疇咨勤恤功

題致本齋

新構行齋一宿停額云致本當

去聲

箴銘修身壹是勤加

砥為學端由善取型樸素觀雖略斯愜軒亭處上聲每不
遑寧宮牆萬仞瞻將近敢忘髫年讀聖經

戲題

行齋到處必題詩題罷鋪牋便寫之選壁粘成明曉去
匆匆自笑此何為

布政使尹嘉銓奏報濟南府得雨

省會事繁留大員

省城不可無大員辦事尹嘉銓於德州接駕後即命其回濟南奏來

行在置郵便郡城雨澤三寸被

尹嘉銓奏省城二月二十七日午時至戌時雨

中帶雪稠密調勻且隨落隨融入土三寸餘麥田滋潤

其日雪花幾點翩

是日駐蹕泰安

傍晚亦有微雪著地即消不成分寸

迤北陰濃憶畿甸

雲勢向北甚濃近畿或可同時被澤

而京城久未報得雨因傳旨留京辦事王大臣詢之

向南勢減惜農田省方要務

寧過此處處祈年意為

去聲虔

駐蹕泉林即景

一別泉林逮六年林光泉韻景依前如川正合祝

慈壽不舍還因仰

聖詮遍野麥苗待時雨連村榆葉颺春煙入門清挹溪
橋水頓覺心神為洒然

至泉林四疊舊作韻

常念民觀惟義展重臨竇暗復亭明徑尋熟路欣如昨
雨盼仲春惜每晴繞榭鏡瀾澄意會籠堂古蔭向人迎

鏡瀾榭古蔭堂為
泉林八景之二

挾牋四疊前題韻石火光流偶繚情

至止非遙居近

聖

近聖居亦八景之一

略同

皇祖比先來

康熙甲子此駐蹕

皇祖南巡還至曲阜先經御製記有宮牆親覲至止非

遙句今年詣里瞻謁亦先駐此

闕在川水出首成泗落甸山猶尾是陪

所愧豫遊為度耳設云鑽仰末由哉不留寓意吾原慣
未免於斯低復徊

五題泉林行宮八景

近聖居

遵陸而來按路程泉林圖以

豫慈情居茲近

聖將瞻謁西望曷勝顙若誠

在川處

成誦髫年讀魯論逮今川趣那能言

至人道教垂千古不舍同斯為去聲有源

鏡瀾榭

敞榭憑瀾一鏡披幾閒不覺坐移時照來所異前遭者
增許霜華點鬢絲

橫雲館

涵生暮靄朝嵐際館築其間望莫分了識春郊民色喜
仰看橫尾正橫雲

九曲釣

曲折長橋接兩岸綠波春水照春衣浴沂點也應嫌遠
恰合於斯詠以歸

柳煙坡

嫩條纔吐葉絲絲弱自弗勝踈地垂偏是曉煙能綴景

白紗輕罩綠羅帷

古蔭堂

幾株古杞護堂門
堂貯芸編足討源
設以唐槐擬詩禮
斯文覆蔭至今存

紅雨亭

半看落蕊半含榮
邂逅於斯復倚楹
幾度未芳幾度謝

向曾四吟紅雨亭
或逢未開或逢其落

今朝合撰面開生

泉林行宮晚坐疊壬午舊作韻

暮色蒼然自遠侵
鳥聲漸覺息喬林
詩書有味宵堪伴
泉石雖佳晚罷尋
拂埭竹簣常入座
搖窓松蓋亦籠岑
居原近

聖思力學何必攜
詞屢藻吟

晏坐行宮閱六年
勤民依舊一身肩
祝

釐遊豫弗離

側繩

武顯承恐負

前畫景權收春宇外詩情清課夜檠邊於斯意永遲眠
可秉燭寧須步屢遷

三月朔日作

水宿還陸宿仲春忽暮春那知砌莫落益見堦花新對
趵源頭潔看山雲脚勻何當霈嘉霽近遠利耕畇

泉上六詠

泉源

四泉流作泗河源

泗水自陪尾山發源
四泉並出故名曰泗

乳竇靈根今古

翻混混從無舍晝夜是之取爾子輿言

泉雲

出穴紋如出岫雲平鋪澹蕩復氤氲漫猜羲象從龍異
噴作驪珠詎有分

泉風

幾曲淙流匯小池輕綃還藉細風披忽拋竹葉平波上
順水行帆豈異斯

泉石

一山陪尾隔東西左右分流各赴谿碎石鋪為翠瑪瑙
和闐玉子較斯低

泉藻

團葉長條不辨名綠森潭底滌然清水仙梳洗水晶髮
借得龍宮玉鏡明

泉花

岸側崖根照影鮮祇稱娟淨不稱妍瀟溪老設移居泗
對此能無愛作蓮

雨

三月朔日

過午雨絲落時徐時疾霏望霽纔覺盼渥黍實逢稀

時大

田亦有
播種者

屬土盈五寸看雲低四圍更思普被否千里縷

王畿

於泉林雨景八詠

雨泉

感沸源泉淙不窮氣蒸靈雨益鴻濛
擬擬接上為靈液
始信相資有異功

雨林

昨日林姿惜有塵今朝茆虎沐從新
米家墨戲分明是大有鋪牋欲做人

雨山

遠山若失近山存漠漠冥冥入晚昏
石罅樹叢多積水歸根都以益靈源

雨麥

下隴高阡芄麥苗遍傾甘露綠瓊澆
誰知邇日怱怱意

一旦釋然為爾消

雨花

潤紫濯紅各逞奇閒花亦自具良知飛來鳥欲錦叢入
慮濕翎毛轉復疑

雨竹

牆根砌角濕飛煙濛濛霧霧被獺豕雖不雲棲高十丈
滴珠敲玉有同然

雨幕

庖來七萃幕張稠防雨深開之字溝歌舞農夫怨行路
權輕重實慰先憂

雨舫

傍溪屋肖舫為形艤處煙波合杳冥安福艫中前半月
較輸此景岸傍停

夜雨二首

入夜雨未止時疎時密濡高原斜已渥春日得曾無聽
到四更半想當千里俱明朝本停蹕

原擬泉林
駐蹕兩日

奚慮潦

行途

行館尋常駐希逢好雨霽因之切京國似此亦霽無送
響清聽永不眠靜想俱啓鑾田父老定是喜盈途

曉

夜雨方始收曉雲猶未泮林枝餘墜露泉氣清平旦滄
然復靄然乍合還乍判禽聲既朗淨花色猶明粲昨朝
閣本至庶績率批斷勝地值茲暇得未曾有觀

題董其昌天降時雨小卷

小卷常隨行笥中希逢時雨得相同今朝潤景當前證
始覺傳神有獨工

風

前日陰而風切恐毆雲去今日雨而風乃喜毆雲聚配
藜藿霽間高下瀾漫佈風無如之何翻覺其勢助便晴
佳亦欣即雨過平聲豈慮別有簫韶音泠泠在高樹

題錢維城雨景畫

屬車扈從有詞林佳處欣逢雨

去聲

麥霖行旅農夫同忭

喜一人寫出萬人心

津葉濯花晻溼間果然做得米家山

昨詠雨村有米家墨戲分明是大有

鋪牋欲做人之句
維城果成此幀

明朝潤浥無塵路飽看耕人叱犢還

賜兩江總督高晉

壤接因來輦路迎六年一日此丹誠防河積穀胥籌度

察吏安民屬老成省歲稔多原致喜

去歲江以南秋收均有十分高晉云

乃數年來
所僅見

任官賢少輒為忤俞哉回任勤諸政豈在劬

勞卮蹕行

復雨

三月初三日

一夜風聲送雨來，侵晨震震勢交催。

天膏額慶真優矣，田計心量實幸哉。泉石音清漫留戀，
宮牆瞻邇敢徘徊。由旬本近無多路，泥濘何妨啓蹕迴。

題文徵明楔飲小圖

羅

文瑞

家臨帖文家畫雙絕，真宜作袖珍。恰值泉林逢上

巳，山陰端不讓精神。

晴

風雨連朝作侵尋未免涼
遠天散雲勢傍午放陽光
柳葉帶煙重麥苗較昨長
相看田父老共爾慶宜暘

上已

古時惟上已

無定日

後世用初三

定以月三日

誰解仍修稷況

逢此駐驂雨露花濯濯晴烘

去聲

麥鬢鬢昨去詩題壁

昨過

此有麥苗望雨之作

慰哉節許探

曲阜道中作

雨後何妨料峭寒
啓行曉日未三竿
風吹亦自消泥濘

行旅農夫一例歡

樹郭山村每接連相聞雞犬闢耕田有其民矣待王政
思孟子言輒慙然

鶯衣耆老路傍排既帶銀牌更乞牌

頗有先獲賜及方得賜而復來者亦

無從辨也

一笑俞之重

去聲

行賞無嗔赤子父孀懷

麥苗遍野喜宜暘今日看增昨日長曰秀矣夫更曰實
敢因目下敬勤忘

至

闕里瞻拜因成八韻

九年別廟貌午夜結神心所喜

慈躬健得陪

聖蹟尋乘朝至曲阜信宿憩泉林總是資鑽仰於焉知

古今明當簋芹奠先此鼎香欽愜矣神顒望肅然對

照臨尊聞獨已慝立教百王任步入遜非昔

向謁闕里俱由聖

時門前降輦步入茲朕躬已逾六旬若遠步過勞恐儀節轉不能安舒展敬因自東角門入至大成門傍下

輿且祭闕里儀注原稱自大成門下輿今始依之尤增惕念深

三依

皇祖過闕里詩元韻

肅躬茲謁里有志未升堂漢帝曾過魯叔孫徒望牆鳳
麟拔類迴洙泗發源長卓爾誠瞻

廟瞠乎愧襲裳

駐蹕古泮池疊丙子舊作韻

本因舊蹟室廬構詎是新勤土木功子歲初臨詩欠覈

千年重訂論方公

丙子駐蹕詩十里東郊舊魯城新城
安得泮池名蓋據一統志曲阜故城

在今縣東十里之文以為言及壬午過此詳覈縣志則
新築縣城乃明正德七年移宋祥符間自此徙去之城
其宋以前縣治原在此茲過宋時故城而來其相去此
城亦無十里之遙而城址甚寬安知魯時故都本相連
非一城哉因有此地非常地新城即依然柏樹城頭翠
故城之句並作古泮池證疑紀其事

豈藉花枝砌角紅信宿翻增爾許愧慮人此後號行宮

河南巡撫永德奏報得雨

齊魯甘膏遍被濡濃雲其日喜彌鋪開封四野報深透
永德奏河南省城於三月初一日午後大雨傾
注入夕霽霽稠勻曉猶未霽四郊均極深透

畿同也無

題王振鵬魚藻圖

古泮無魚有藻耳孤雲小卷趣堪論設如拋向池中去

拾起定知空紙存

用卷末董其昌跋語李思訓畫魚事

闕里祭

先師禮成述事

釋芹久濶為

高年得遂瞻依慰倍虔翟籥惟彬六佾備笙鏞以間八

音宣右文

列聖傳家法望道微躬勵佛肩必世後仁
夫子訓因之返己益慙然

賦得手植檜再疊舊作韻

禮樂詩書地星辰日月天豈因樹存沒直共道留傳補
植謂多矣重生或信焉高低敷葉纈左右互皮纏奠茆
霑精氣焚檀引慶煙真羸靈五百即是字三千

題乙卯登基遣

祭碑石陰

詞臣撰擬不當云敲磕鏗鏘聲振聞此事適逢偶然耳
漫稱首祚兆崇文

朕即位之初例應遣官告祀

闕里其碑石戛擊之有金鐘玉磬音人盡以為奇而朕
實未知也去年幸魯之旨降張若淮以曾為山東學
政奏其事始知之茲試之果然至於碑文則諒陰中
詞臣所擬朕亦未細覽也今觀有後聖實承

先聖之語甚覺不倫詩以誌過且無貽後人口實

金絲堂用前題韻

殿旁堂勑魯共云壞壁金絲響應聞

聖道祇如

天廣大神奇反覺小斯文

詩禮堂

趨庭那有異聞奇亦曰學詩學禮宜問一得三陳亢喜
似知之却未知之

故井

汜至初雖未有功一時萬載固非同即今故井傳津逮
德教依然養不窮

古泮池疊丁丑雋作韻

常謂泮成別居然蹕復停照形鬢增白蓄目柏猶青數
仞顒瞻美一方得俯渟祝

釐兼仰

聖禮歲志差

支韻寧

涿水曲

淶水渌然清無魚堪下釣曾經照古人今人復來照

題唐寅雲白山青小卷

出岫蒨濛態無定帶煙峭蒨勢偏奇昨來陪尾初過雨
雲白山青故若斯

翠竹叢中有竹樓雲山四繞暢吟眸還因欲問登樓者
禹偁高情得似不

過陋巷顏子祠

石魏華表廟堂模報施去聲惟

天信豈誣君子居之何陋有賢人不改其樂乎心儀詎

繫藻片晉

祀孔廟以四哲配享例無致祭

道在寧逾食飲需千載下

誰私淑者依稀宋室有程朱

謁孔林酌酒

平原如峻嶽佳氣鬱龍菴地植四方樹天生萬古宮光
流因德厚道重自功崇肅拜椒漿奠企予望莫窮

輕陰

輕陰時落雨絲絲潤綠田間與緩移曰有是哉真愜意

不寧此矣遠牽思

時尚未聞京師得雨信

村莊相接景偏好老幼

紛迎色盡怡諸禮畢行

聖慈豫明朝旋蹕雅云宜

謁少皞陵

法修嗣太昊德考號金天御世致諸福諧神作大淵崇

丘安萬古肅拜閱多年闕里西瞻近韓文益信然

末句用韓

昌黎處州孔子廟碑意

大庭氏庫再疊唐李白韻

梓慎登大庭此事猶疑然宋衛陳鄭國同日騰火煙數
百里而遙極望隔雲天左氏多浮夸如音喜繁絃中和
實遠矣馬遷其支川

謁元聖祠

遺祠近可尋古樹峙清森於子孝惟篤為臣忠允諶六
封難考昔八佾豈猶今成賜伯禽受或非公本心

聞京師得雨

閣本今朝到雨惟二寸霑較南既渥遜望北又愁添是

日仍微霽青郊潤麥尖輕輿度煙景憂樂兩難兼
頌內府周范銅器十事交衍聖公孔昭煥陳

闕里廟庭詩以誌事

有序

釋奠而飭豆籩新型既備登堂而觀車服古澤奚
存繫案臚犧象諸尊第歛識元和所鑄雖協吉金
用享還疑賈鼎無稽矧辨名溯三代以前何知有
漢而學禮景當年之志亦曰從周昨修太學落成
曾列姬朝雅范惟此昌平故里

靈寶憑焉每徵法物舊章心恒怒若宜陳禮器以煥宮
牆擬俟鑾迴內府檢西京彝鼎將從郵置成數充
東國几筵意在尊

師體尊王之有素守當永世勗永寶之無愆既沛十行

兼成八韻

二千年閱古禮器惜徒言車服那輕補

車服非歷久之物未宜補陳

鼎彝頗尚存肆筵瞻闕若由驛致更番後漢徹時降

大成

殿內凡列犧象山雷四尊為後漢元和二年鑄又瓦器一亦非古物並令別藏廟庫

尊周緬

意敦穆如陳几案潔用薦蘋蘩國學依成例昌平本
聖源微伸敬

師志益勗作君原庶協崇文願興賢共坐論

曉行四首

夜陰弗雨漸開晴旋蹕肩輿趁曉行記曰事凡豫則立
隨時可以驗人情

莫片慰展九年思闕里迴瞻欲去遲夾路麥苗將及尺

誰為助長

去聲

盡含滋

松枝葦席結香棚耆老憐他祝嘏誠漸入滋陽別曲阜
吾民處處有逢迎

春霖前日向西大行潦依然馬良腓幸是昨朝未繼灑

欲移此澤澤京畿

昨報京師得
雨甫二寸

至濟寧行館作

計里今朝歷七十登舟更十里而遙

過濟寧州城至登
舟處尚餘十里

是宜樸宇供

慈憩況值漸車便衆翹

是日入滋陽境尚以前雨作溽
雖利麥田而行旅輻重頗艱行

亦宜駐此
以待也

何事亭臺過綴景轉增慙愧切衣宵情知並

不勞民力也念商資為此消

是處行館為長蘆鹽政西寧所建雖不煩費民力而

衆商則未免經營亦足軫念也

題養源齋

行館向平原居然置榭軒愧哉喻階土慰以

憩堂萱登舫將遲日

今日行七十里傳明朝駐蹕便聖母憩息後日遂登舟北上云

溯洄擬返園吾民籌致養衣食是根源

駐蹕

駐蹕今番多昔日

高年宜適清和溫路程辭陸川臨舫曉氣微涼午更暄
頗有詩書伴幾暇何須亭榭學花園雖然成事付不說
即境能無自訟言

濟寧行館八詠

書堂

到處書堂儘有書芸香滿架拂風徐雖然豈漫資淵博
二典三墳對懃如

雲樓

行館臨牆置有樓春煙幾縷拂檐浮攀登頗覺慰心所
萬頃麥苗綠若油

梭亭

梭亭應是學茅茨小坐亭中轉復疑花木試看紛繞砌
土階時世豈如斯

月臺

平臺望月月娟娟春宇如弓始上弦湖石雖無九九穴

璵璠疑待米家顛

用米芾甘露帖事

藥欄

縛竹為欄曲復斜
既通透亦具周遮
箇中頗有詩情在
多事何須綴假花

花砌

蒔砌春花不計名
勝非香色勝風情
濃濃潤意初過雨
灼灼明姿恰喜晴

竹塼

春日明知是竹秋，綠瓊無恙筍尖稠。
優霑時雨滋禾麥，餘澤分教暢賞眸。

松坡

桃李叢中自覺殊，稜稜老幹翠相扶。
亦知亢父非白下，

拘數何須定九株。

攝山疊浪崖上有九株松

過濟寧州城

十里雙行

陽韻

柳向城五更，小雨傍晨晴。
為看煙舍駢頭

接，且命筍輿緩步行。
雞犬無驚覩吏治，農商有慶驗民

情一般更慙予懷者赤子紛如父母迎

登太白樓疊舊作韻

太白酒樓俯綺闌事雖跌蕩意清真重來此日省風俗
遙想當年迭主賓狂入道終還一曲賀知章渴吞海那計

三巡李白長歌老杜猶能憶樓指尚應少六人

南池

城南有曲池工部舊蹤遺便以問幽徑何妨瞻古祠嫌
他略綴景笑我尚言詩門外衆人候那知欲去遲

題南池少陵祠疊舊作韻

春風重此過南池了識其間有故祠
不覺徘徊心欲醉那緣景物望教移
大都公論定千古何害沈屯遇一時
氣歛怵人真者在知然却復強上聲為詩

登舟


御舟早候運河濱陸路行餘水路循
一日之間遇李杜千秋以上接精神
麥苗夾岸穗將作柳葉籠陰絮已頻
最是蓬窓心愜處雨晴綠野出耕人

水月

春月固已佳水月尤為好
昨每雲陰籠茲值霽宵皎
金塔卧波心千丈光浩渺
隨流而常住是中含妙道



御製詩三集卷九十六



總校官庶吉士臣侍朝

校對官編修臣方燁

膳錄監生臣倪時慶